



Broj: 06-1-07-1-1059/20
Sarajevo, 28.10.2020. godine

Na osnovu člana 2.9 stav (1) tačka 4. i 17, a u vezi s članom 3.15 Izbornog zakona Bosne i Hercegovine ("Službeni glasnik BiH" br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Centralna izborna komisija Bosne i Hercegovine je na 70. sjednici, održanoj 28.10.2020. godine, d o n i j e l a

ODLUKU

(1) Odbija se upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine podnosilaca prijava za Grad Mostar, po podnesenim prijavama do 06.10.2020. godine, jer nisu ispunjeni uslovi propisani članom 3.15. stav (1), (2) i (3) Izbornog zakona Bosne i Hercegovine, iz sljedećih razloga:

Razlog	Broj prijava
NECITKA PRIJAVA	9
NEDOSTAJE ADRESA IZVAN BIH	7
NEDOSTAJE DOKAZ O PREBIVALIŠTU U BIH	62
NEDOSTAJE OBRAZAC	8
NEDOSTAJE VALIDAN DOKAZ O DRŽAVLJANSTVU	11
NEDOSTAJE VALIDAN DOKAZ O IDENTITETU	90
NEODGOVARAJUCI DOKAZ O IDENTITETU	174
NIJE IDENTICAN POTPIS NA PRP1/2 I DOKUMENTU	9
NIJE POTPISAN OBRAZAC	10
VIŠE NEDOSTATAKA	61
UKUPNO ODBIJENIH	441

(2) Sastavni dio ove odluke je spisak u elektronskom obliku sa imenima odbijenih birača za upis u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine za Grad Mostar kojim raspolaže Centralna izborna komisija Bosne i Hercegovine, a kojem mogu pristupiti podnosioci prijava putem aplikacije na internet-stranici Centralne izborne komisije BiH i na kojoj mogu provjeriti svoj status.

(3) Ova odluka stupa na snagu danom donošenja i objavit će se 28.10.2020. godine na internet- stranici Centralne izborne komisije Bosne i Hercegovine www.izbori.ba, i smatrat će se da je danom objave ista dostavljena svim učesnicima u izbornom procesu.

Obrazloženje

Centralna izborna komisija Bosne i Hercegovine je u skladu s članom 3.15 stav (1) Izbornog zakona Bosne i Hercegovine odredila rok do 06.10.2020. godine u 24.00 sata za prijem prijava za upis birača u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine za Grad Mostar.

Odredbom člana 3.15 stav (6) Izbornog zakona Bosne i Hercegovine je propisano da ako ispuni propisane uslove iz stava (1), (2) i (3) ovog člana, podnosilac prijave nalazit će se u izvodu iz Centralnog biračkog spiska za glasanje izvan Bosne i Hercegovine.

Shodno navedenim zakonskim odredbama, Centralna izborna komisija Bosne i Hercegovine je u postupku provjere dokaza priloženih uz prijave kojim se dokazuje ispunjavanje uslova iz člana 3.15 stav (1), (2) i (3) Izbornog zakona Bosne i Hercegovine utvrdila sljedeće:

- a) dokaz o identitetu - nije priložen ili nije priložen valjan dokument u smislu člana 3.15 stav (4) i člana 5.12 stav (4) Izbornog zakona Bosne i Hercegovine,
- b) dokaz o prebivalištu - nije priložen ili se podnosioci prijave ne nalaze u evidenciji prebivališta, boravišta državljanina BiH, odnosno ne nalaze se na popisu stanovništva iz 1991. godine u BiH u smislu člana 20.8 Izbornog zakona Bosne i Hercegovine,
- c) dokaz o državljanstvu BiH - nije priložen, ili nije priložen valjan dokument u skladu sa Zakonom o državljanstvu BiH ("Službeni glasnik BiH" br. 4/97, 13/99, 41/02, 6/03 14/03, 82/05, 43/09, 76/09, 87/13 i 22/16).

Shodno odredbi člana 3.16 stav (2) Izbornog zakona Bosne i Hercegovine, ako državljanin BiH iz člana 3.15 stav (1) ovog Zakona ne podnese prijavu prije isteka roka utvrđenog za podnošenje prijave za glasanje izvan Bosne i Hercegovine na narednim izborima, dakle do 06.10.2020. godine, nalazit će se u izvodu iz Centralnog biračkog spiska za glasanje na odgovarajućem biračkom mjestu u osnovnoj izbornoj jedinici u kojoj ima prijavljeno prebivalište.

Na osnovu naprijed navedenog i činjenice da prijave podnosilaca ne ispunjavaju uslove propisane članom 3.15 stav (1), (2) i (3) Izbornog zakona Bosne i Hercegovine, Centralna izborna komisija Bosne i Hercegovine je na osnovu člana 2.9 stav (1) tačka 4. i 17. Izbornog zakona BiH odlučila kao u dispozitivu ove odluke.

PRAVNA POUKA: Protiv ove odluke, u skladu s članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva dana od dana objave ove odluke. (Krajnji rok do 30.10.2020. godine do 24,00 sata).

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329, elektronskom poštom na e-mail adresu prijavapp@izbori.ba ili lično u sjedište Centralne izborne komisije BiH, Ulica Danijela Ozme broj 7 Sarajevo.



Predsjednik

Željko Bakalar

Željko Bakalar